

BBU le lokalforening/khrihfabu cio i bawm in rian khanhnak.

Chinmi BBU ah a pehtlaimi paoh nih hman thiam ahcun kan caah a tthahnem ko lai tiah ruahnak he.

Hi rian ser le riankhan khawhnak ding ah BBU nih dundan le zultphung a tuahmi.

A tanglei bantuk hin a si lai:

BBU nih bawmh/riankhan khawhnak ding caah mah hi a tlinh lai.

1. BBU tinhmi le man a ngeihnak kha lokalforening le region ah biapi in a langter lai.
2. Lokalforening le BBU chungtel karhter aa zuam lai.
3. Projekt le rian a herhmi ah aa tel lai
4. A um ciami pehzulh peng lawng kha si loin, chungtel a karh khawhnak ding a bawmh lai.
5. BBU nih thilri a chuahmi kha lokalforening ah a tak in an hman khawhnak ding aa zuam lai.

BBU nih lokalforening tangka a bawmh khawh zah le a can.

1. BBU nih 50% ca. 6000kr. cun lokalforening/khrihfabu 50% a si ve lai + ferie penge.
2. Kum 1 (thla 12) caah a si lai i lokalforening nih kan peh (forlænge) lai ti ahcun 25% in kum 1 caah peh (forlænge) khawh rih a si lai.
3. Lokalforening caah riankhanhmi rian a thawk hlan thla 3 ah BBU sinah a sok cia lai.

Lokalforening caah riankhanhmi zultphung:

1. Mino le ngakchia caah riankhanhmi cu BBU ah riankhanh a si.
2. BBU nih riankhanhnak kong he pehtlaiin phung le phai a herhmi cu a ttuan chuah lai.
3. A rianttuan hnga dingmi (arbejdsbeskrivelse) ttial le BBU ah zeibantuk ttuanvo le tuah ding a ngei timi pawl.
4. BBU secretary, riankhanhmi le lokalforening i ttuanvo ngeitu hna rian kong le a caan kong pawl he pehtlaiin tonnak tuah a si lai.
5. BBU, riankhanhmi le riankhanhmi i a mentor (tahchunnak ah ruahnak petu pastor, church chairman, mino chairman tibantuk) kha zarh 8 ah voikhat lengmang tonnak a um lai.
6. Riankhanhnak nawl ngeihnak cu lokalforening le BBU sinah a um lai.
7. Nifatin rian kong he pehtlaiin lokalforening nih ttuanvo a ngei lai.
8. Løn (thlahlawh) kong he pehtlaiin BBU nih ttuanvo a lak lai. Lokalforening 50% kha BBU sinah a tlai bik thla dongh zarh i ni sawhsawh ah a kuat lai. (Bankdag thla dih zarh i a hnu bik ni sawhsawh kha a si. Zarhtini le zarhpi a si lai lo.)
9. Løn (thlahlawh) cu riankhanhnak min sign (underskrift) hnu, rian ttuan dingmi (arbejdsbeskrivelse) ttial dih hnu le mentor kong fiang tein a tlam a tling hnu ah pek a si te lai.
10. Riankhanhmi nih thla 3 dan ah voikhat lengmang BBU sinah cattial a si lo le hmurkaa in report a tuah lengmang lai. Lokalforening nih 50% BBU sinah a kuat lo ahcun BBU nih riankhanhmi kha a phiat lai, a si lo le lokalforening kha BBU chungtel sinak in a chuak ahcun.
11. Hnatlaknak (aftalen) a dih/donghternak cu riankhanhnak a dih tikah. Rian donghternak cu BBU secretary sinah cakuat (skriftlig) si lai. Lokalforening he BBU he hi rianttuannak cu kan duh ti lo tiah rian ngolnak (opsig) an tuah khawh lai i thlakhat hlan ah chim cia a si lai.
12. Riankhanhnak hnatlakning (ansættelsesaftale) zultphung, report felfai tein pek lo le aktivitet ah felfai tein i tel lo ahcun thla 1 hlan/chung (1 måneders varsel) chungah BBU nih ca kuatnak (skriftlig advarsel) in rianttuanttinak ngol/dinh tak khawh a si lai.

Note: Fian lomi le hal duhmi a um ahcun pehtlai kho peng a si.